

БЛАГОВѢСТИКІ

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходитъ двараз въ мѣсяцъ
каждого 1-го и 15-го.

АДРЕС:
редакціи и експедиції:
REDAKCIJA „BLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число 60 К
За границу 20 — К
До Америки..... 1 Д)

ОБЯВЛЕНИЯ
принимаются по цѣнѣ
за 1 сторону .. 100 К
за 1/2 сторону .. 50 К
за 1/4 сторону .. 25 К

Христіянским родичам.

Св. Іоанн Золотоустый писав:

— Многъ из христіянских родичов больше дбають про свою худобу, як про дѣтей. Если звѣдаю их за конѣ та волы, они зараз скажуть, где они, але еслибы я зазвѣдав, где ваши дѣти, то не знали бы, что одповѣсти.

Сесѣ слова святого епископа и Отца цѣльком можеме приспособити и на наши часы.

Родичи люблять дѣтину, но не уважаютъ в ней правдиву цѣну тѣлъ дѣтины. Люблять дѣтину, но люблять тѣлесно, а не душевно, позераютъ на дѣтину оком тѣла, а не оком души.

Прочто так любив дѣтей Божественный Спаситель? Что восхваляв Он в дѣтинѣ? Ци за красоту лица, милый усмѣх, або за якоесь мудре слово мѣнив таким царство небесное? Нѣт! Спасителя таквѣ вѣщнѣ рѣчи не могли ошукати. Его око позерало глубше. Не дивився на лице, на слова, но дивився на их невинность и видѣв в них будучих горожан царства небесного.

Так и родиче не по красотѣ тѣла, не по ловкости рук и ног и не по множству знанія мають одѣньовати дѣтину но особливо по мѣрѣ невинности сердця и тоту святу невинность любити в дѣтинѣ.

Треба дбати и о розвиваню тѣла, треба розвивати розум и знаніе, но не свободно забывати о головной цѣли выхованя, т. е. о благородности души, о добротѣ сердця.

Не един из родичов усилюєся собрати великое майно для дѣтины, уважає на то, чтобы его сын або донька все красще были одѣты, як другѣ, а душу дѣтины не украшає

но ще позволяє, чтобы дѣтина не повиновалася, гнѣвалася, збытковала менших и пр.

Ци се порядочна любов? Ци такій родич *оком души* позерає на дѣтину? Ци то любить в дѣтинѣ, что е дорожшое, як тѣло?

На сіи вопросы може дакто сказать (як то и Руссо писав), что мала дѣтина еще не розумѣєся до высоких ідей вѣры, и зато розвиваня душевных честнот треба лишити на дальшѣ часы.

Кто так говорить, тот не спознає природу чоловѣка, а особливо не спознає душевный розвой чоловѣка; ибо забыває, что вже в дѣтинѣ крýєся цѣлое величіе души, на образ Божій сотвореноѣ, украшеноѣ ласкою Божою. Душа дѣтины сіяє лучами безконечної красы самого Бога. Як под снѣгом приготовляєся жизнь рослины на ярь, так и дѣтинскій вѣк має свою важну задачу, приготовляющу ко веснѣ житя, коли маєся двигнути ко сонцю свѣжа, чиста нива души з еї дорогими цвѣтами.

А на жаль многѣ родичи не уважаютъ на се и не усилюються оброняти и розвивати вроджену душевну красу своих дѣтей. Хиба лиш на то уважаютъ, обы дѣтям было что ъсти, обы были красно убранѣ, но о том вже не дбаять, чтобы душевна невинность дѣтины не была выставлена опасностям, не интересує их, ци totы, которым отдаютъ своих дѣтей на выхованя, суть добрѣ и честнѣ, ци нѣт. Забываютъ дуже часто и то, что дѣтина отвертыми очами дивиться на *примѣр* старших, и позволяютъ собѣ при дѣтях такѣ розмовы, которыми заскѣпляються всякого рода грѣхи у душу дѣтины.

Не уважаютъ родичи и на то, что читають дѣти, яку шкоду наробляють в молодых сердцях злѣ письма и книжки.

Многораз грѣшать родичи против дѣтины и нерозумною любовію, коли не знаютъ ничего одмовити и всякое и недобре бажаня дѣтины слѣпо исполняютъ. Забываютъ сякъ родичи, что первою честнотою дѣтины повинна быти *послушность*, ибо непослушна дѣтина як не повинуєся родичам, так не буде знати повиноватися и заповѣдям своеї совѣсти, законам Божіим и людским.

Вже замолоду мож защѣпiti в сердцю и другъ честноты, як лагодность, милосердность, приставаня на малом, вдячность, готовость ко молитвѣ и пр., словом скоро треба начати облагорожованя сердця, вытворьовати образ Божій во дѣтинѣ, наслѣдовати Христу.

Іисус Христос е нашим проводником од колыски аж до гроба, иproto не лишайме дѣтину без свѣтла Его святого примѣра, без теплоты Его святого сердця !

В.



Ученіе о чистилищѣ.

По ученію правосл.-кафол. Церкви души умерших зараз по смерти бывають судженѣ Богом. Души праведных, або души принесших за свої прегрѣшенія достаточное покаяніе, тотчас допускають ся в царство небесное. Грѣшники же, не каючися за грѣхи свої, верженѣ будуть у пекло, на вѣчнѣ мuki. Души же тих людей, котрѣ грѣшили, но не тяжко, або тяжко, но перед смертю розкаялися, но пе устигли за грѣхи на сем свѣтѣ покутовати, достануть ся у чистилище.

Шизматики, глядаючи всягде причины роздора, повстали и против сего ясного и разумного ученія правосл.-кафол. Церкви и кажуть, что ученіе о чистилищѣ выдумали латиняне и о том ничего не знают ни . Отцы, ни св. Церков в іерших столѣтіях.

Но дѣло в дѣйсности цѣлком іншак стоит.

1. Церковь из начала все молилася и постоянно молиться о упокоеніи душ усопших. Так в западной, як в восточной Цер-

еви в святой Литургії и в обрядѣ погребеній и паастаса, находятся молитвы за упокоеніе душ усопших людей. За якѣ души молиться и молилася из початку св. Мати Церковь? За тых вѣроятно нѣт, котрѣ уже в царствѣ небесном суть и виедно с Христом и святыми наслаждаются вѣчными радостями Божого царства. За тых уже не нужно молитися, чтобы Бог им отпустилъ „согрѣщенія вольная и невольная“, чтобы даровав им „блаженный покой“ и „учинилъ души ихъ въ мѣстѣ святѣ, въ мѣстѣ злачнѣ, въ мѣстѣ покойнѣ идѣже всѣ праведніи упокоеваются“.

Но из другой части и за тых не може молитися, котрѣ Богом осужденѣ на пекло. Так св. Писаніе, як св. Мати Церковь то учатъ, что из пекла не е выхода, не е спасенія. Св. Евангеліе выразно каже, что в пеклѣ: „Червъ ихъ не оумираетъ, и Огнь ихъ не угасаетъ“ (Мк. 9. 43.) И в прічтѣ Іисуса Христа, о богатом и бѣдном Лазарѣ каже Авраамъ: „Междѣ нами и вами пропасть велика оутверди сѧ, іакѡ да хотаціи прейти отсюдѣ къ вамъ не возмогутъ, ни иже оттудѣ къ намъ преходатъ“, (Лука 16, 26.)

Та тогды за якѣ души молить ся так щиро и постоянно св. Мати Церковь! Вѣроятно лиш за таких, котрѣ терплять, но на таком мѣстѣ, из котрого мѣста е высвобожденіе, есть спасеніе. Сie мѣсто называється' мытарством, або чистилищем.

2. Сie держали и св. Отци. В VI-ом столѣтію св. Григорій Двоеслов папа римскій, кто написав нашу св. Литургію Преждеосвященных даров в своем творѣ: „Собесѣданія“¹⁾ также в семъ высшемомянутомъ смыслѣ говорить о существованіи чистилища. Напоминаеме наших читалелей, что сей св. Григорій святым честує ся и в т. зв. „православной“ Церкви, навѣть называє ся „столпом православія“. Зато „православным“ но свободно бы возстали против его ученія!

Флорентійскій собор г. 1439, коли вели ся переговоры о соединенію обох Церквей и самѣ восточнѣ епископы и патріархи согласили ся в том и признали, что се было ученіе св. Церкви всегда.

3) Самѣ церковнѣ книги шизматиков признаютъ существованіе чистилища. В Четъи-Минеи Российской Церкви списано одно явленіе блаж. Єеодоры в котором ангел каже блаж. Єеодорѣ: „Если в душѣ найде ся больше грѣхов, як добрых дѣл, тогды

¹⁾ Кн. 4., гл. 39.

бѣсы на якійсь час удержують єї и заперають як бы в темницю, где по дозволенію Бога мучать єї, доки душа не получить искупленіе от мук их по молитвам Церкви и через милостию . . .²⁾ Ци больше требує св. Мати правосл.-каѳолическа Церковь вѣровати от своих вѣрников?

Звѣдаеме: ци може истинный христіянин отрицати существованіе чистилища? Если ктось (на пр. шизматики) се осмѣлитъ твердити, тогды он мае допустити то, что всѣ молитви Церкви за усопших не мають жадного значенія для них; або то, что нашъ молитви потребнѣ суть тым душам, котрѣ вже достигли Царство небесное; або то, что нашъ молитви могутъ вы свободити души из пекла, что осуждено было на V-ом вселенском соборѣ.

Видно также, что и в сем пунктѣ яку правду мае „православна“, вѣра.

ІЗ ІСТОРИЇ ЦЕРКВИ

Св. Петро в Христовой Церкви.

Из слов и дѣяній Іисуса Христа безсомнѣнно доказано, что он хотѣв, чтобы его вѣрники составляли одно товариство, одну зорганизованну единсть (Лук. 1, 32..., Маѳ. 16, 18; 18, 17... и т. д.). Сіе товариство он або царствіем Божіим, або и прямо Церквию называв. Членами сего товариства суть всѣ покрещенѣ и вѣрующѣ. Перша организація сего товариства состояла в том, что Христос выбрав из своих вѣрных людей 12-ох, т. зв. учеников, их за три роки заботливо научовав, выховував и перед своим вознесенiem послав на цѣлый свѣт словами: „Шедше очко наuczите ксک газыки крестающи имъ въ имѧ Отца и Сына и св. Духа“.

Но Іисус Христос хотѣв, чтобы в его Церкви было единство, чтобы всѣ держалися до куни, зато для обезпеченія сего единства из меже 12 апостолов выбрав одного именем св. Петра и поставив его основовою Церкви своей:

„Ты єси Петро и на семъ камени созиждѣ Церквю мою и врата адова не одолѣютъ ей“ (Маѳ. 16, 18). Передав ему найвышу церковну власть словами:

²⁾ Четъи-Минеи, кн. 7. Москва 1905. ст. 533.

„И тѣбѣ дамъ ключи царства небеснаго... (Мѳ. 16, 18). и поставив его головным пастырем над цѣлым его стадом:

„Паси лгнци моя, паси овцы моя“ (Іо. 20).

Св. Петро народився в Ветсайдѣ, в Галилеѣ; из першаго назывався Симоном и быв братом Андрея первозваного. От першої минути его призванія, Спаситель заботливо воспитує и предготовляє его до головного пастырства стада своего. Перемѣнить его имя Симон на Петро (Петро только значить, як кам'нь), боявши перед рахує на то, что из всіх своих учеников только его поставить твердым, каменным фундаментом своеї церкви. Обѣцяє ему, что по сему людей буде ловити, понесе его горѣ на Єаворскую гору, чтобы видѣв Спасителя в небесной славѣ; где лишь даякое большое чудо дѣсея, всягды там е св. Петро, чтобы бы в свѣдком божества Іисуса Христа. Обѣцяє ему, что буде молитися за него „чтобы не оскудѣла вѣра его“ (Лука, 22, 31). Понесе его и в гетиеманську загороду, чтобы видѣв, яку душевну муку мусить он терпѣти за откупленіе рода людскаго. Но як воскрес из мертвых, зараз увѣдомляє св. Петра о его воскресенію через св. жон мѣроносиць: „ріците Петрови и апостоламъ“ и апостолы вѣрують, что Христос „констинч воскресъ и іакисл Симонъ“.

По вознесенію Христовом св. Петро поводиться як видима голова Церкви. Он устроить выбор нового апостола Маѳія, на праздник Сочествія св. Духа он держить першу проповѣдь, он творить першое чудо в Іерусалимской Церкви, он прийме першого поганина в лоно Христовой Церкви и он есть предсѣдателем першого собора в Іерусалимѣ. Головным пастырем уважають его и товариши-апостолы; евангелисты подаючи имя апостолов его ставлять на першое мѣсто, хотя не он быв найстарший и не его призвав Христос першій раз на апостольство; Маѳей его называє „первым“ (М. 10, 2); даколи лишь так пишуть „Петръ и апостолы“ (Дѣян. 5, 29) и св. Павел не смѣв доти почати свою апостолску роботу, доки не напивив св. Петра и не быв у него за 15 дній (Гал. I, 18).


Св. Петро за 7 годов быв епископом антіохійской Церкви: 42-го года отправився в Рим, в столицю римской державы и як римскій епископ, но разом и головный пастырь цѣлого стада Христового за 25 роков управляв Церковю Христа. Дня 29-го, 67-го року умер на крестѣ головою долу под безбожным Нероном.

Над гробом верховного Апостола св. Петра на розказ св. Константина Вел. устроили красну базилику (церков). Нынѣшніу базилику на том самом мѣстѣ дали устроити римскѣ папы; будовали от 1450 до 1667 и есть найкрасшою и найбльшою церковю цѣлого свѣта.

Рок 1923.

„БЛАГОВѢСТНИК“

Сторона 55.



Православіе, Гелебан и Кривскій старый куратор.

— Образ из житя нынѣшнього. —

Час : 30-го янв. 1923. Мѣсто : Хуст, в склепѣ Голдшилда.

Особы : М. Гелебан (твърдий православный, а не шизматик), бывшій старый куратор из Кривы, русины из Копашнього и из Рокосвы и (ѣх у всяде є) якѣсь жиды из Хуста.

Гелебан (зайде) : Слава Іисусу Христу !

Люде : Слава на вѣки !

Гелебан : Что нового у вас честнѣ люде ?

Кривскій куратор : У нас ничего, а у вас ?

Гелебан : Ой у нас е. Смутна новина. Узяли от нас єніяты церков !

Кривскій куратор : Кажѣть, як то ся стало ?

Гелебан : Та так чоловѣче, что и мы, як и инде год тепер, по нашему обряду, вѣрѣ и закону пересвятили єніяту церков на православну и перебрали'сме всѣ маєтки ; попа правда ис умѣтовали'сме, бо знали'сме, что як не буде мати где служити (тим старым глупакам, котрѣ ся держать еще до старой вѣры), та сам пойде. Бо знаете, суть и у нас таї застарѣлѣ люде, котрѣ свѣта не знають, не так, як мы молодѣ люде, котрѣ 'сме по войнѣ походили и видѣли свѣта. Мы пѣтнята указали квочкам, что по сему мы будеме их водити, а не они нас ; но квочки не хотѣли за нами перейти на православіе и через епископа заправотили нас, та и выигралі право за церков. Айбо се еще не доста ! 12-го фебруара пришли паны из Хуста, та вывели на нас 40 жандаров, та и набили нас ; якѣсь из нас уже в темницѣ сидять вїедно с чоимальовскими, котрї с бомбами при-

шли нам на помоч; а других еще и тепер глядають жандары. Айбо не жалуеме, что сидять, аж будеме и всѣ сидѣти и то нѣт, что такъ великъ выдатки мали'сме и будеме еще мати, бо хоть лиш били'сме золотаревских, котръ ишли на пересвященіе с пропцією; перестали'сме их серед самого села, та там знаете аж напали'сме на них котрый с чим, поламали'сме навѣсы, кресты, еще и кадильницю у нас лишили; еще и тепер у старосты е. Учили'сме их так, як и наших уніятов доки попа мали; на фаръ оболоки выбили та и стрѣляли'сме му у окна, гадали'сме, аж так утѣкне; айбо смѣлый быв и не пошов лиш тогды, коли как церков пересвятили от него.

Ци Бог, ци чорт с тими уніятами е, лиш мают щастя. Мы не хотѣли передати им ключ от церкви панам, а они вывели собѣ были замкаря, та учинив им быв новый ключ. И то мы должны заплатити! Мы у ночи дорадили, что церковник раненько з старым ключом зайде до церкви, ззвонить, а мы сбѣгнемеся и пересвятиме церков. Но коли церковник ишов, Бог ци чорт подное там единого уніята, так что церковник не мог нагло ключ вытягнути и отбѣг; та тепер и того они мають. Та они мають вшитко, а мы лиш платити маеме, бо знаете ото не обойдеме; айбо аж бы'сме всѣ у ковды (на жебраня) пошли, а мы єъ еще мусимс пересвятити. Туй е се наш староста, най каже ци не е так ?!

Староста: Ой так, истинну правду говорить Гелебан.

Гелебан: Правда, правда, что св. Писаніе свѣдчить им правду; бо св. Писаніе нигде не свѣдчить, аж четыре мають управляти Церковю Христовою, як мы вѣруєме, айбо одному св. Петрови передав власть Христос. Та и тото доста свѣдчить правду им, что у нас начто суть парастасы, задушнѣ суботы и службѣ за усопших, коли мы в чистилища не вѣруєме; тадь из некла не умолиме осужденых, а котръ в царствѣ суть они уже не потребують наших молитв?! Мають чось и они правды мають, мы видиме, айбо мы ся уже не хочеме подати, чтобы над нами смѣялися?

Куратор: А священика ци маєте?

Гелебан: Е, дебы'сме не мали! Мы не хотѣли ученого и законного уніятского, мадяра за священика, та выбрали собѣ свого, сельского русина, котрого познаеме. Правда, что лиши охтер быв, айбо най буде, бо знає вшитко, так что и ученый уні-

этскій поп не перевысшае его ; дали'сме му церковнѣ грохѣ и выправили 'го до Сербіи на посвященіе. Говорять уніяты, что не має посвященія. Мы не знаеме ци быв в Сербіи, ци не быв, ци посвящен, або нѣт ; пришов у реверендѣ с хрестиком на грудах залишив бороду и волося, дали'сме 'му кадильницу у руки най махать, та най собѣ попуе. Ож ци добрѣ, ци не добрѣ кончить тонич, лиш обы было на нашом ; а аж бы чтось и схибив, та отонич, то лиш у уніятского велика бѣда, коли туй-там, колькотолько мало чтось захидить ; а за сего не бай, бо се наш, сего мы выбрали. А у вас что нового ?

Куратор : Як вас маю звати ?

Гелебан : Михаль.

Куратор : Но Михальку, я вас не разумѣю ци вы православный, ци уніят ?

Гелебан : Я православный. Аж не вѣруете, звѣдуйте сих людей.

Куратор : Аж вы православнѣ, та зашо вы с законом так ся корите.

Гелебан : Бо так хочеме ! А вы не православный ?

Куратор : Еще нѣт, айбо уже 'сме на том ; я 6 годов служив Церков и попов, айбо дотеперь 'ем еще их так не узnav быв, аж такѣ неправдивѣ.

Гелебан : А теперь як, чим есте узнали ?

Куратор : Наш поп пустився по селу списовати людей, пришов и до мене и розкладав письма и звѣдае, якій ем старый, колько худобы, колько земли маю и т. д. и пописав всю челядь. И на послѣд звѣдае : Якой вы вѣры ? Кажу я, та что вы мене ото пане звѣдусте, та ци вы ото сїс не знастс, ож я от роду православный-восточный, а не уніят. А поп на то погнѣвався и каже менѣ : та вы тогда маєте до мене прийти выписатися. А я кажу : Я не иду нигде выписоватися, ай вышиштесь вы из уніи. На се началася свара, учинився крик, избѣглися люди, а он далше не списовав и пошов дому.

Гелебан : Добре сте казали. Ай ци знаете, что ото значить унія ?

Куратор : Як бы нѣт ! Побожилися попы римскому служити.

Гелебан : Правда. А поп еще у вас е ?

Куратор : У нас, айбо уже не довго. Пошли'сме 13 нас до журата, но он казав, что он его там не клав и не може его узяти

айбо пойдѣть до его наставника и кажѣть, что вы русины и православнѣ, а не мадяре и вы хотите и такого священика; и того най собѣ забере от нас; дале пошли'сме до епископа и казав, что ваш поп пойде гет.

Гелебан: Та ци еще 'му терпите, доки сам пойде? Чуете, ци знае ваш бохтер читати?

Куратор: Нѣт.

Гелебан: Но ото уже мало хиба! Айбо не велика! Выслушайте в котром селѣ знае бохтер мало читати, та позычте его собѣ, купять 'му реверенду, крестик, най залишить бороду и волося и не никайте (позерайте) ци он посвященый, або нѣт, дайте 'му кадилницу, та най махать, а аж мало не потрафить, отс не бѣда; то лиш у ученых уніятов велика хиба, тому не треба хоть яку малу вину пролишити, а сему мож хоть яку велику. Не нагадуйтесьнич, ай чим пойдете дому, скличте людей, та не бойтесь того попанич; лиш вымечте 'му рѣчи вон, а фару передайте бохтерови, як и мы зробили. А аж бы якійсь колотив, тога треба притягнути, знаете уже як! Так ги мы уніятскаго дяка-пѣвца; порубали згиблого пса и зметали му у колодяз; та ги процессію золотаревску побѣдили'сме не молитвою и постом, не кульом. Таким способом можно найлѣпше розширити святу православну вѣру.

(Продовжене слѣдує).

ДОПИСЬ.

Дорогій Пане Редакторе!

Нынѣ велику радость малисме. Церков наша на утрени повна была вѣрниками. Пришли и шизматицкѣ крилосники, которых мы навперед напоминали словами Спасителя: „больше не согрѣшай, чтобы дачто гуршое не стало“; а они сказали, нѣт мы по сему лиш вам будеме помогати. Так и было. Кениз уже найбольш у Чомальовѣ дѣйствує (и нынѣ там быв). Сила Господня и наше смиреніе побѣдили. Лиш мало их противить ся уже, айбо и они помякнуть, як снѣг, коли сонце грѣє. Дуже бы сме потребовали доброго духовника.

От одного гр. каөол. русина из под хижи украли бѣлезну як схло вечером; злодѣй лишив одну цидулу на которой написано было:

— „Узяв каап!“

И я уже доставав таку цидулу, чтоб'ем ся лишив от вшиткого, бо не догодую собѣ дѣти. Айбо я твердо вѣрю, что он мене не дастъ пропасти.

Молетер Митро припюс до Кениза дѣтину крестити; за крестного отца узяв одного гр. каөол. русина им. Чаловку. Звѣдае Кениз Чаловку:

— „Якой мы вѣры, Христової, ци чоловѣческой?“

Чоловѣк смѣло отповѣвъ:

— Я в Христової родився, у той ем и буду до смерти..

От сего смѣлого отвѣта так замѣшав ся — Кениз, что сердито закричав:

— Тогда ты не можеш дѣтину держати.

Ци не мав правду батюшка Кениз ? !

Копашново, 4. II. 1923.

С повним поченiem

М. Г.

• ЛІТЕРАТУРА •

Христіянскій календар „Міссіонар“ Ст. 160, С премногими образами и интересантными статьями. Цѣна 4 Кч. Можно получить и в редакціи Благовѣстника.

Нива. Церковный мѣсячник. Львов, Корняков ч. 1.. Предплата на год 20 Кч. Можно заказати и через Благовѣстник. Из содережанія н. I роч. XVIII важнѣшъ статѣ: *Еп. о. Бочан* продовжає статью об исторических памятках св. священомуученика Іосафата. *Глоб В.* интересантнѣ рѣчи говорить як позерать россійска интеллигенція на каөолическую вѣру: они находять ся под впливом кого характеризуе „повное незнанія внутрѣшнього житя каөол. Церкви“. Есть дале одна прекрасна статья посвящена заслугам митрополита А. Шептицкого от др. Галущинскаго. *Др. I.*

Ковшевич сообщае одну канонистичну студію и др. Габр. Костелвнич продовжає статю: Плусы и минусы в поезії І. Франка.

Людіе покайте ся. Лѣтак против пяства. Написав о. Вас. Ларь духовник в Вышных-Верецках. Дуже хосновита книжочка для тых, котрѣ воюють против страшного ворога нашого народа. Вручаеме ширым сердцем вниманіу наших читателей. Достати можно в канцеляріи „Протвѣта“, Ужгород кацит. 10 и в редакціи Благовѣстника.

В редакцію засланѣ книжки и часописи:

Великостнѣ проповѣди о найважнѣйших вопросах житя 70 ст. О. И. Марисюк ЧСВВ. Жовква 1922. Цѣна 6 Кч. Можно получить и в нашей редакціи.

Поступ, студентскій вѣстник. Рок III. ч. 2 Жовкта
Предплата 12 Кч.

Міссіонар Рок XXVI. ч. 2.

Přeba Naboženské Vychovy Mladeži. Em.
žak. Praha Cyr.-Meth. knihtiskarňa. Цѣна ?

Posol bož. Srdca Ježíšovo. Trnava, Slovensko.

Новости

— Еден наочный свѣдок о чудесях случившихся в Кольчово-Довгом. Кольчово-Довге (Словенско) от Сачуровской станціи на 4-5 километры лежить. Як'сме пошли в село така толпа людей была, что в той уличцѣ, где находится хата, не было возможно рушитися. Не за довгій час пришли на двор мене добрѣ познаютъ люде, больше раз ем быв там, и так скоро мѣсто зроблять, чтобысме зашли до хаты. Хата маленька; на мѣстѣ одного окна зробили двери, чтобы переход быв через хыжу. Перед стѣною, на которой являются образы, стол стоять, двѣ свѣчки горять и каждый, котрый с мною ступить до хаты, от слез блестающими очами и дрожащими руками указує: „Тут Повчанска Богородица, голова святого Йосифа, свята фамилія...“ Позераю на стѣну, и я сам вижу, но не так ясно, як ем видѣв перед тым, напримѣр: января 20.-21.-го. Ни одного чоловѣка не е котрый бы то сказав, что не видить. Як так глубоко задуманный стою, одпако узвеся якійс чужій голос: „Не виднонич, народ

баламутять и лем жиды мають превеликій хосен...“ Но дальше не чути голос, ибо нараз так як гром загремить голос народа: „Вон с невѣрдом!“ И вижу, что една женщина веде скоро вон из хаты своего мужа, одѣтого в мундуръ военском. — „Боже святый“ думаю себѣ, что было ся стало, если за час не выхопится нещастный!“ Правда сie?... розмышила я, котрый перше сам своим очам не хотѣв вѣровати. Правда, истинна! Не раз — двараз, но болшераз ем видѣв сіи образы и тисачи и тисачи видѣли и видать. Читав ем у Р. Земли и в Карп. Р. Вѣст., что сie обман, чарованіе... не можливо, тут нѣт. Но суть одновременно и такѣ позитивны факты, над котрими не мож очи зажмурити. Из многих лем еден случай приведу: Из дня 1. фебр. на 2-го у ночи привезли на возѣ одного молодого чоловѣка из Рафайловец именем: Іосифа Бачинскаго, 19 лѣтнаго, на только хворого, что лем изнесли его из воза до хаты, и коли помолився и притулився к стѣпѣ, так легко ся ему стало, что из своей силы, выйшов на воз, и у одного тамошнаго чоловѣка, Михала Рошка, сам с своею рукою ѿв, тот чоловѣк, котрого перед тым, лем его маги кормила. Притомнѣ, котрѣ сie видѣли, готовѣ суть присягнути на се. Так, так... То не смѣх, як деякѣ новинки Русская Земля и попоѣдска газета Каминскаго пишуть. Темна почта была, коли ем ся вернув до своего села и на пути стрѣтився с многими людьми, котрѣ ишли попозерати то, что другѣ перед тым уже видѣли. И сяк и мое убѣжденіе то есть что тысячам и тысячам: „Правда!“ Не вѣруеш? Попозерай с своими очами!

— скiй. —

— Выслѣды шизматицкой агитаціи перед судом. Державна прокураторія въ Вересасѣ внесла обжалованія против Михайла Стеблака и его 5 товарищов, что 5. фебруара 1921 въ Великих Лучках насильно вдерли ся до гр.-каѳол.-ой фары, чтобы пополнити насильство на особѣ о. духовного Бачинскаго и церковнаго куратора Федака, и что кромѣ сего подбурьовали людей, чтобы не повиновали ся приказам урядовых властей, и жандармеріи. Судова столиця переслухавши наочных свѣдков узнала обжалованных виновными, та засудила их на двомѣсячну вязницю. Наслѣдком апелациіи обжалованных, та державного прокуратора справу предложили судовой табулѣ въ Кошицах, яка на днях занималася сим важным

случаем. — Судова табула в цѣлѣ дальншого поясненя постановила безпосередно на ново переслухати о. Бачинскаго и куратора Федака. Понеже обжалованѣ не пришли до апелашійной розправы, судова табула переклада розправу и зарядила на ново призвати обжалованих а именно под угрозою приставлення жандармерії.

— **Борьба за церков.** Не иде так легко дѣло с церквами, як то шизматики думали! Окружнѣ суды за рядом передаютъ шизматиками ограбленѣ церкви греко-каѳол.-православным. Так 3-го фебруаря передана церков в *Подплешѣ* (ж. Марм.); 30-го десембра выигралисме право за церков в *Бедевлѣ*. Нашѣ с великим одушевленіем и радостію, шизматики с гнѣвом и великим огорченіем принимали присуд. Судія в одной бесѣдѣ потолковав им что кажда вѣра должна подержати VII-у Божу заповѣдь: Не укради! Передача церкви отбуде ся 19-го фебр. Також вниграли сие право за церков в *Буштинѣ*; в коротком времени и туй достануть гр.-каѳ.-прав. свою властность назад. Но та смѣютъ еще шизматики хвалитися, что чехи со ними согласнѣ суть в грабежи?

— **Упокоився.** Волод. Романец парох в Киральгазѣ 8-го фебруара умер. На похоронах притомный быв и вице-губернатор П. Еренфельд. Блаженый ему покой.

— **Др. Нярадій дома.** Епископ Пряшевскій др. Нярадій 10-го фебруаря прибыв до Пряшева.

— **Посвященія звонов.** На праздник Трех Святителей было торжественное посвященіе звонов у Горбках; отправу кончив: о. Алексій Иванчов священик и директор торговельной академіи. На Стрѣтеніе в Веряцѣ в присутности множества народа посвятив новѣ звоны о. Иван Азарій пам'єтник. Святочну бесѣду держав о. Алексій Иванчов.

— **Шизматики не достають державной подпоры.** Батюшки с тым прошеніем обернулися к Школьному Отдѣлу, чтобы и тым дали даяку подпору. Шк. Референт заявив им, что понеже шизматицка вѣра не е законна на Подк. Руси и понеже батюшки не мають достаточного (жадного ред.) образования, им помоч держава не може дати. (Най жіють из роковини!)

— **Римскѣ высланцѣ** др. Г. Шуба, Ю. Станкай и о. Стойка были на авдіенціи у Его святѣйшаго опца Римского папы,

Рок 1923.

„БЛАГОВѢСТНИК“

Сторона 63.

от кого были даже ласково принятъ.

— „Православнѣ“ епископы меже собою. Дня 8-го фебруара архимандрит Смарагд Латишенко, голова всѣх „православных монастерей в Польщѣ забив трьома выстрѣлями митрополита всѣх шизматиков жіючих в Польщѣ, Юрія. Сей факт явным доказом е того попсутого духа, якій панує не только в монастырях шизматицкой Церкви, но в всей мертвой Церкви шизматицкой. Архимандрит забиє митрополита! До сих пор еще такое не чули'сме. Та ци дѣйстю така „твѣрда“ тата православна вѣра?!

— **Папа Римскій в защитѣ каѳол. духовенства в Россіи.** Папа Римскій обернув ся с проеобою к лондонскому пра-

вительству, чтобы большевицкое правительство перестало переслѣдовати каѳол. духовенство в Россіи. (Руськулта).

— **Подпора церквам.** Три нацѣ деркви достали держвну подпору от министерства: Ирлявска и Глубокска по 20.000 кор., Ставенска 10.000.

— **Выслѣды переписи людѣй на Подкарпатской Руси.** Обывательство Подкарпатской Руси выносить 606.247 из тоге Русинов 372.507, Чехословаков 20.04, Мадяров 104.991, Жидов 79.762, Нѣмцов 10.337 а других 11.749; по вѣроисповиданію 330.084 грекокаѳоликов, 55.407 рим.-кат., 60.559 шизматиков, 65.429 евангеликов, 190 ческословенской вѣры, 93.073 жидов, 205 ниших и 1.170 безконфесійных.

Короткѣ вѣсти. В Италіи энергично переслѣдуютъ безбожников-коммунистов, котрѣ в связѣ с Москою провалити немѣряють панованя христіянов-фашистов. У одного из арестованих нашли 240.000 англійских фунтов. — Японія в близкой будучности памѣряе поставитьсталое посолство при Ватиканѣ. — В Римѣ 22-го янв. на годовщину смерти папы XV. Венедикта торжественну литургіу кончив митроп. Шешпицкій, на которой притомнѣ были россійскѣ и украинскѣ бѣженцѣ, за которых так много здѣлав покойный Папа Римскій. — По поводу аттентатов из части Мадярщины против губернатора и генерала Подк. Руси арестован быв и о. духовный Невицкій, парох Радванскій; но як выявилася его невинность, на праздник Стрѣтенія выпустили его из взязницы. — Троцкій розлучив ся с своею женою и по-

дружив ся с донкою бывшого царского генерала: Наталією Ивановною. — В Бежовцях (ж. Ужг.) злодѣй вломили ся до одного газды, жону и дѣтину убили и взяли от жоны 2,800 долларов. Злодѣев еще не нашли. — Папа Римский ладит ся с особным возваніем обернути ся к спорячим сторонам въ Рурской справѣ, въ которомъ хоче призвати ихъ к взаємнымъ уступкам. — В Японіи же 80.000 христіяновъ, из которыхъ 60.000 в окрузѣ Нагасакомъ.

На фонд „Благовѣстника.“

Папа Пій X. каже: „Кто грошми подперае християнску-каѳолическу перессу, най знае, что жертва на туту цѣль надзвычайно доброе, Богу милое дѣло, которое приносить хосен святой вѣрѣ и помогає спасти безсмертнѣ души.“

На фонд Благовѣстника даровали:

Преосв. о. Діон. Нярадій епископ . .	500	Кч.
о. Авг. Волошин директор учит. сем..	200	,
Алекс. Илницкій конс. письмовод . .	100	,
Др. Гавр. Даніелович лѣкар	50	,
Алекс. Хира сотрудник	100	,
Іосиф Бокшай проф., руській маляр .	500	,
Вас. Фединец	8	,
Олга Волошина	8	,

Разом: 1466 Кч.

ПЕРЕПИСКИ РЕДАКЦІИ.

А. К. Kraška Щира подяка за предплатників.

Вл. Ж. Гр. Все так буде, як пишеш. Желаю из щирого сордца чим скорше выздоровлення.

Авг. Гр. Таких бы много духовниковъ, котрѣ так одушевленно пра-
щують над розширеніемъ доброй, християнской прессы!

Е. П. Цабовце Дякуємо за статю. В великомъ постѣ выйде!

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯН БОКШАЙ.